

Mukashikola yimu washikola yayineni (University) amutiyili nawufuku nakubidika henohu akwawu anakutanŋa. Wahosheli nindi naleki kweta akombi nawufuku. Akwawu ezhili nakumwihula kulonda alumbululi chachi wahi. Wayilumbulwilili nindi wamba keta Yesu mulonŋa Yesu wahosheli nindi wamba kenza hela nawufuku.

Chitudi nakudilonŋesha kwinza kwa kudiwana kwa mashikofu Synod yamuchiyedi munu mu Africa chaka chinakwinza mu October 2009, mutu wansanŋu walema nankashi kudi etu. %Chipompelu mu Africa nakuleta kwanakena nikuwunda: Enu mudi munŋa wahanu hesekiõ õ ..chenŋi nawa mudi chezhezhi chakayi kezhima+ (Mt.5:13,14). Kwesekezha na Synod yamuchiyedi yamu Africa (2006: 6), chihandilu mu Africa chinahimpi chikupu kufuma ayina mpinji hikwadinŋi kuhumanŋana kwa washikofu mu 1994. Kuhimpa iku kudi kuhimpa munshakaminu yetu.

Chihandilu chamakonu mu Africa, china teli kutalahu chachi wahi nakashinshi mulonŋa mazu ansanŋu yayi wahi yitudi nakutanŋisha abuli kuholokela munyinaŋa hela hamalola. Dichi komana ninana mazu ahosheliyi ona mukashikola hana hashikola yayineni bayi tuyimoni neyi amukukulwayiku. Dichi komana hefuku dalelu, chitunatachiki kudilonŋesha kwinza kwa Kristu hachristmas (chimishi mishi), mpinji yeniyi yatwesa kutukwashaku mulonŋa himpinji yakuhembela na kulomba. Yinakutwanukishaku kwikala antu atona. Yesu nindi, %imuneluki mpinji ku.+

Yesu nakutwanukishaku kwikala antu atona nakufuma mutulu. Nahoshi nindi, %abalenu nakwikala antu atonaõ õ ..+ kulema kwa nsanŋu iyi, Yesu nati chishimu chanona iyala wadinŋi hawunŋezhi nakushila anŋamba zhindi mudimu chakubula kuyilezha ifuku damba kafuntayi. Anŋamba zhindi hiyelukili ifuku damba kafuntayiku. Ilanŋa elukili nawu wamba kafunta. Chidi kudi ona anŋamba wasupa wabulili kudilonŋesha kwinza cha mukulumpi wawu.

Munzhila yoyinu, Yesu munsanŋu yayiwahi nakutwanukishaku nindi tufumi mutulu nakwikala antu atona. Nakutwanukishaku nindi twikali antu atona nakumona yuma yinakumwekana mukachi ketu. Nakututambika kulonda twenzununi mesu etu hadi iwu musonŋu wa (HIV/AIDS) wunakuzhilumuna antu, nikudi awa anakukabisha anŋodizhawu ni anyana ni yuma yinaku mwekana mwitunŋa daZimbabwe, nimu South Africa ni mumatunŋa achenŋi. Mukakwitiya watela kwikala muntu watona bayi wudi mutuluku. Chenŋi nawa watela kwikala watona nakutala yuma yatama yina yinakudata nshimbi zhawatu nikalemesha kezhima.

Munsanŋu yayiwahi anukutwanukishaku kwikala antu atona mulonŋa hitunelukiku ifuku hela mpinji yamba kenzayi mwanta Yesu ku. Matewu 25:41-46 natulezhi nindi antu amkwawu akahayama hakutiya Yesu nindi fumenu kudi ami, mudi ashinŋewa, yenu mukesi kakabulanŋa kumana. Mulonŋa nadinŋa nzekesi ilanŋa hiwanyikeli yakuvwalaku, natiyili mpwila hawanyikeli menzhiku, natiyili nzala hiwanyikeli yakudyaku, nadinŋi wakata nimukaleya hiwenzhili nakuntalaku. Haku hayama chawu akwili nawu, mwanta, %adi kudihi kuwadinŋi nzekesi, kuwa tiyili mpwila, kuwa tiyili

Etetu tubuli kuku kwasha?+ Mwanta wakakula nindi,  
yilili wanyi hadi ami.+

namwidima niwukombi, akwezi kubula nyidimu,  
satanizimu, antu kuleka masnikola, kubula kwanzangana chachiwahi malun;ga,  
nimusonngu wa (HIV/AIDS). Musonngu weniwu wunaleti kukala niwoma chikupu. Munu  
mu Zambia, antu ezhima akuzhika antu ankufwa namusonngu weniwu. Dichi komana  
twikali atona nakuwana nzhila yakukangeshelamu musonngu iwu.

Etetu akakwitiya hituneluki mpinji yamba kenzayi mwantaku, ilanga tuneluki netu wamba  
kenza. Bayi atuwani mutuluku neyi wukwinza. Dichi inakuyilezha nami tonenu.!

### MALWIHU AKUDIHULA MUCHITETI

- Indi mukuhanda kwetu, twatela kutona muyuma yamuchidinyi?
- Indi twatela kutona muyuma yamuchidinyi?
- Chumanyi chinateli kwila kulonda nidi longeshi chachi wahi kwinza kwa Kristu?

### CHISELA

Kwikaliku muntu wukudifwanisha neyi mwana wamumbanda wunamanishi shikola  
yaDiploma. Mpinji yizhima yana kuyayi nakukenga nyidimu, anakumukana hela wa  
pasili chachiwahi. Akwawu anakuyingizha mulonga kudi akuyimenaku. Chimwahitili  
yaka yiyedi chakubula nyidimu, amutondeli nakutweshha kutala ha corruption (wukombi).  
Chabuliliyi kuwanayi mudimu mulonga wawukombi wawntu, wakengeleli chikupu abuli  
kudingizha munsanngu yawukombi yinakukangeshha antu kubula kwingila nyidimu  
(corruption). Wekalili muntu wakashinshi nakulomba ngovu yaNzambi kulonda  
nakukana yuma yatama yezhima. Wawanini midimu iwu mulonga wakashinshi ni  
kuwunda.

### MALOMBELELU

- Tata Nzambi, tulezhi nzhila yayiwahi etu anyaneyi.  
*Tunalombi.....wututiyili luwi eyi mwanta*
- Tata Nzanbi, weluka yuma yezhima yitwakenganga, tukwashiku kulonda ninetu  
tukwashuku ana anakukabakana.  
*Tunalombi.....wututiyili luwi eyi mwanta.*
- Tata Nzambi, waleteli kuwunda munu mukayi, kuwunda kweniku kuleti nyikabu  
yayiwahi munyichima nimatala etu.  
*Tunalombi..... wututiyili luwi eyi mwanta.*

## KUWAHISHA NZHILA YA MWANTA KUHITILA MUKUDANAKENA

Kudi nsangu yimu yaswezha kulema yidi mu matangu a chalumingu cahmuchiyedi chakuhembela. Iyi nsangu tunayitiji mukutanga kwatachi, tunayitiji chengd mu nsangu yayiwahi. Iyi hi nsangu yakuwahisha ni kolola nzhila ya mwanta.

Mulunda mwekala chishimu nawu, %untu yimunendi nindi naufuku amusakililanga neyi kunachi.+Chengd chishimu chikwawu nawu, %uhangana ingoma naufuku chingd wenda wutala hampinji neyi pingd wukukasumuka kwacha dehi.+

Kumana kuwahisha nzhila ya Mwanta chalumbununi? Chalumbununa kuhimpa hela kubalumuka muchima hampinji tunakuhembela kwinda kwa Mwanta. Chinalumbununi kuwahisha nyichima kulonda kwinda kwa Mwanta hakusemuka chindi hela hakukuma kwe tungd chikabuli kutukasumwisha. Mwanta Yesu hatela wanyi kutuwana henohu tuchidi mu nshidi hela aka kubula kutiyashana na akwetuku.mpinji yakuhebela diku kukoleka kwetu mulongd diyi mpinji twatela kutongedeka ngovu ni mana etu na kwilahu chuma chimu henohu Mwanta kanda enzi. Etu aweni twadiluka.tuneluki antu tunavulumuni, tuneluki Yuma tunatamishi mukuhanda kwetu ni kumensu a Nzambi. Kuwahisha nzhila hi kusha yitongdzhoka ha chihandilu chechu neyi akwa kwitiya. Muntu wezhima a tali mumuchima windi na kumona Yuma yamukangdshangd kwila mwamuwahi kweseka nanchu atulengdli Nlengd hatachi. Mukanda wakutachika walumbununa ha toka to na nsangu ya kuwaha ashili Nzambi mudi etu. Hikwadingd nshidi hela kukisanangana kwayilengdengd wanyi. Kafwampi hanyuma yakukumisha kulengd Yuma yezhima Nzambi wamweni nindi yadingd yayiwahi nankashi (Kutachika 1:31). Muntu wezhima atali mukachi kamuchima windi nakumona kutamisha kuneliyi kudi akwawu, kudi Nzambi, ni kuyilengdengd yamwitungd.Etu amakwawu twanatungd mapepa ni mazhila amboka kudi kwezhima kwakubula kwakama hela chanti.

Kuwahisha nzhila chalumbununa chengdawa kudanakena ni kushakama mukuwunda na akwetu, kuhemba na kulemesha yilengdengd ya Nzambi, ni kufunta kudi tata Nzambi na kulomba kwanakewa. Twatela kwila neyi ona mwana wazhimbela, %ikifunta kudi tata na kumulezha name, tata, natamishi kumensu eyi. Kudanakena kwekalangaku hanyuma ya kwiluka netu Yuma yidi chiwahi wanyi, wekala mudimu wakungd.

Kudi nyidimu yayiwahi yayivulu yina kongdwi munu mwitungd da Zambia. Ilangd kudi Yuma yikwawu yinakubula kwenda chiwahi nansangu ya kudikengd kwakubabela akwetu, ni mulongd wa antwamina amu abula kashinshi. Chalal wumi wetu munu mwitungd wuna kukengdeka kuhandishewa kuhitila mukudanakena wumu na mukwawu. Kudi mabuku anshidi zhetu yi twatela kushikila mukwitiya ni muchihandilu chetu. Iyi diyi mpinji twatela kumba %ibalism+, mazhika kanwa, ni wuzhila. Mukutanga kwa muchiyedi Paulu ha kulumbununa nindi, %enu anakwami, bayi mwila nenu Mwanta nashimbuli kwinda nehi, yena nakuhembela ezhima wetu kubalumuka mulongd nakukengd muntu hela wumu kukisika wanyi.+Yuma yezhima oyi asha mumakasa etu yekala yetu wanyi ilangd yambala ya Nzambi. Nanchu twatela kuzhatisha maheta ni

ndimu hohu a Nzambi. Twatela kukalakela Nzambi  
mukudizoza ni nakashinshi. Lekenu Mwanta Yesu  
mbeluni antu adanakena wumu na mukwawu.

#### **KWIMBELA KWA KUTONGA OZIMBA NA KUSHILANG'ANA MUYI TENTI**

- Kengeni nakuwana chimweshu chachiwahi ha nsanga yakudanakena muchitayangeni cha mwaka mumukanda wa Nzambi?
- Tweluka tahindi kulema kwa kwanakena akwetu hela kwanakewa kudi Nzambi?
- Chumanyi chankanga shanga kwanakena akwetu? Nikuchikumisha ngani?

#### **CHISELA**

Kwikali mukatata wumu na ngondindi ni nyana asatu. Yeniwu mukatata wenzanga naufuku kufuma kunyidimu mulonga wekala na kazhila kindi oku anatilanga mpinji. Dichi yena wekalanga ku kukuda kwachisaka hela kunyidimu yahetala wanyi. Chikwila ngondindi nindi amwihuli mulongadi enzanga naufuku yena hakumutiyisha woma nakumwila nindi nikukuhanga hetala. Nanichi ngondindi hakuhila na kudiwula mfumwindi nikuleka kumwihula mpinji yezhima neyi enza naufuku. Mukatata amona chinakukamba ngondindi kumuchima na anyana mulonga wa chihandilu chindi chatama. Yena alomba kwanakena kudi Nzambi aleka ni wuzhila. Muchisaka mwikala kuwunda ni muzangalu chenga.

#### **MALOMBELU**

- Eyi Mwanta, wunatulezhi kusenda chisenda cheyi mulonga chekala chaswayi kusenda. Twinki ngovu yakutwasha kukwasha akwetu nakakashi akwakuhutwa, ni kulekesha nshimi zhatama . Tunalombi, tunalembi wututiya.
- Eyi Mwanta, wenzhili na kkuhosha izu da Nzambi, mukovwahila, twikwashi kulonda tutweshi kulama akwetu ni yilengalenga yeyi . Tunalombi, tunalembi wututiya.
- Eyi Mwanta, wenzili kudi etu muchimweshu chakwanakena na kutiyangwa, kwashaku antu ezhima adi mukubula kutiyashana atweshi kwiluka kwanakena kweyi. . Tunalombi, tunalembi wututiya.

## MUDIMU WA KRISTU

Chitunengili dehi ayinu mpinji yakuhembelela kwinza kwa Kristu, twatela tutachiki kudihula etu aweni hadi iwu Kristu wunakwinza na mudimu wunakulondayi. Aka Isalela adingi nayitongozhoka yawu hadi Mesiya nimudimu wamba kayizatilayi. Elukili chikupu nawu neyi Mesiya wukwinza, wukwinza nakufumisha ana ayilumbu ezhima mukachi kawu. Iyi diyi yitongozhoka yadin;gawu nayu nimuzanagalalu hakwinza kwa Yowanu kapapatisha. Akulumpi muyelusalema atemeshili mazu nakumwihula Yowanu. %Nawu yeyi hinyi?+%eyi Elizha tahindi?+

Aka Isalela anakukenga kuyiya yitongozhoka ya Yowanu, nawu, indi Mesiya wutudi nakutalila wamuchidinyi nimudimu wundi wudi ngahi. Yowanu wudi nayitongozhoka yanti hakwinza kwa Mesiya. Neluki nindi Mesiya nakuleta spiritu yayiha. Mesiya wunakwinza walema kubadika niyena chengi nawa hanatweshi kuswina kwakamwihini nakumuvula nkwabilu zhindiku.

Mukutan;ga chatachi, tunatiyi mudimu wa Mesiya nichekalayi. Isaya nakutulezha nindi, owu wunakwinza wenzala na spiritu chengi nawa amu kiswila kudi spiritu. Mudimu windi wakuleta nsangu yayi wahi kudi akabakana, nikuwunda munyichima yetu ni kwamwina ezhima akasikewa. Nsangu iyi hi nsangu yakuleta kwamwina muchihandilu chetu kudi ezhima akuhwelela.

Munzhila yikwawu, Mesiya nakwinza nakuleta kuwunda mukachi ketu kudi antu ezhima amukuhwelela. Yesu yomweni netezhi nindi mazu akapolofwetu Isaya alala neyi chiyisonekawu mumukanda waNzambi ninochu chitunakuyitiya hefuku dalelu, (Luka 4: 21). Mudimu wa Yesu Kristu munu mukayi, himudimu wakuleta spiritu yaNzambi, chihandilu cha Nzambi mukayi, ni chihandilu cha spiritu yakuwunda nakukenga.

Hitunatweshiku kudanakena wumu namukwawu neyi neyi kukengangana mukachi ketu mosi. Chengi hikunatweshiki kwikala kuwundaku neyi kukengangana mukachi ketu mosi. Nichihandilu chetu hichinatweshi kuya hambidiku neyi tukudikenga wumu namukwawuku. Ezhima wetu anatulombi kuzatila hamu nakutwala chihandilu chetu hambidi kulonda mukayi ketu mwikali kuwunda.

Mazu itunatiyi alsaya kwesekezha namudimu wa Kristu, himazu awamwinu. Wamwinu mukachi ka muntu wezhima. Wamwinu weniwu hiwamwinu wutunakutalila wanyi ilanga wamwinu wutunakuhanda nawu chayinu mpinji. Bayi neyi wamwinu wakwimba %mpuhu, mpuhu+ wanyi. Wamwinu weniwu wudi kuhitila muchihandilu chetu chitunakuhanda wumu namukwawu, chitunakutala antu akabakana, ninana antu adiwulawu munu mukayi. Kwamwinewa kweniku kutachikili mumatala etu, muyiteti yetu, kulonda kutandi nimukayi kezhima, kulonda muntu wezhima atweshi kushakama chachiwahi.

Neyi yuma yezhima iyi hinakumwekana mukayi ketu, chidi neyi spiritu yakuwunda namudimu wenzhililiyi Yesu Kristu mukachi ketu mosi. Yesu Kristu wadinga

nda ana adingwi akabakana chikupu. Wadingwi  
mboka.

akwiya nakwimana hawalala nakukang'gesha yuma  
yatama mukachi ketu. Twatela twikali neyi mung'wa ni chezhezhi chamukayi.  
Kwesekezha na nzangu yama shikofu mu Africa (second African synod) 64  
anakutwanukishaku etu akakwitiya hamudimu weniwu:

Mulonga mukakwitiya wezhima muchipompelu wudi na nshimbi yamudimu  
weniwu mukayi, mudimu wakuleta kuwunda nikudanakena wumu namukwawu,  
mulonga mudimu weniwu walema nankashi. Nakukang'gesha kadiwu mukachi  
ketu nikuditala neyi wonsu wetu chakubula kutala akwetu neyi amukunkulwayi.+

Spiritu ya Nzambi yatela kwinza mukachi ketu neyi tukumwekesha nyichima yaluwi  
nikukenge ayifwayi, ayezhi, anginga hamu na nana anakukabakana muzhinzhila  
zhamboka mboka.

### MALWIHU AKUDIHULA MUCHITETI

- Indi chiwunakukenge neyi akwilili (Justice) hichumanyi? Yumanyi yatama  
yinakumwekana mwilunge denu?
- Indi kwanakena kwanona ikombi hakulusu kwadinga kwatama tahindi kwakuwahi?  
Neyi kwakuwahi, mulon;gadi?
- Munzhilanyi munakumwena yuma yatama muchipompelu, indi twatela kwiladi  
kulonda nakutachika kwila yuma yayiwahi muchipompelu?

### CHISELA

Kwikaliku muntu wumu ekali neyi kansi weyala wunakumona neyi anyana awambanda  
anakuyisumbwisha swayi kudi anwali zhawu kulonda ana mali akafwetawu akatweshi  
kutwala nachu anakwinda nayifwetela kushikola. Wakuhweleli nindi wonsu wawu  
nimayala ni ambanda adi chochimw, ilanga hadingwi nang'ovu yakwimana atweshi  
kuhosha iyi nsangu mukachi kawantuku. Alombi kudi Nzambi kulonda atweshi  
kuwanaku ng'ovu yakwimana nakuhosha nsangu iyi nakukang'gesha chisela chatama  
ichi hadi anyana awambanda. Antu amavulu atiyili kuwaha nankashi nakudibomba nindi  
hamu nakukang'gesha ichi chisela chakusumbwishanga muwansi.

### MALOMBELELU

- Nzambi tata, tukwashiku kulonda tutweshi kumwekesha kalesha kudi akwetu  
neyi chiwatulengelel munchimfwanisha cheyi,  
Tunalombi o o o o . Wututiyili luwi eyi mwanta.
- Nzambi tata, tunakulombelelaku antwamina zhetu mwahita kayi kezshima netu  
kulonda atweshi kuwana nzhila yakuwunda nakukenge,  
Tunalombi o o o o o . Wututiyili luwi eyi mwanta
- Nzambi tata, mukwanakena keyi, watukombwelanga madilu, tukwashiku twikali  
chinjikizhilu cheyi,  
Tunalombi o o o o o wututiyili luwi eyi mwanta.

## KUKUHELELA MUNG'OVU ZHA NZAMBI

Ochi tunashiki kwakamwihi na mpinji ya kusemuka kwa Mwanta, kudi dehi kuhimpa kwa nyitu yansangwa mumatangwa. muyalumingu yinahiti tunadinga nakutala hansangwa yakuwahisha kwinza kwa Mwanta, kutona, ni hamudimu wa Mwanta Yesu. Ilanga ichi dinu mutu wa nsangwa wunwshinshiki hadi Maria mama ya Yesu, Manweli, Nzambi wudi nanetu. Yena Maria wahayamini nankashi hanyuma yakulezha nawu wakemita na kuvwala mwana weyala iwu akatumba izhina nawu Yesu. Nsangwa ya kwikala mama ya mwana ka Nzambi waswezha kubadika yenkeli Maria yitongozhoka yeneneni nankashi.

Etu ezhima tweluka netu hela muzhimbu wa kangolu kudi Maria wadinga wakala, diyi nsangwa yadinga nakuhembela itunga dezhima. Muzhimbu wa kwinza kwa Nzambi mukachi ka antu na kuyamwina hi mazu a chikuhwelelu. Nanchu Maria wadinga na chibalu chalema mumudimu wa Nzambi wakwamwina antu ezhima.chayina mpinji, itunga dezhima dakinkili manungwa ha kwitiya kwa Maria kuzatila hamu na ngovu zha Nzambi mumudimu wakupulwisha itunga.

Maria wachiwanini kukala nankashi, dihu hafumini yena kwihula nindi; %hikutweshwa ngahi kwikala chochu mulongwa ami nidi muzhiki.+ Iku kwihula kwehwili Maria kangolu kwadinga kwalala ni kwa kashinshi. Ninetu twavula kwihula neyi chehwili Maria. Twehulanga kwizhi neyi twakamba kushakamahu chiwahi namaheta tahindi? Kwizhi neyi kukala na makabi etu akamana tahindi? Kwizhi twakekala na chiyulu na chihandilu chachiwahi mu Zambia tahindi? Kwizhi neyi anyanetu akapuluka ku musongwa wa HIV/Aids tahindi? Akwenzi niwena ehulanga kwizhi akahanda ngahi kumbindi namafuku. Neyi Maria, ninetu tweekalanga nayuma yatukabishanga muyitongozhoka. Ilanga hadi chambu mukachi ka Maria ni etu. Maria helili woma hela kunata chikuhwelelu chindi mungovu zha Nzambi wanyi. Yena wakasunikili na kumulezha Nzambi kukala kwindi. Aha dihafumini kangolu kukolesha Maria nakumulezha nindi kosi chuma akutweshwa kukanganya Nzambi. Kangolu wamwinkeli chimweshu cha Elizabeta musonya Maria wadinga dehi natukwezhi tutanu na kamu kwimana mumukala hela wahitili dehi yaka yindi yakutweshwa kuvwala. Mwifuku da lelu kangolu nakuhosha nikudi etu nindi kosi chuma hela chumu chakala kudi Nzambi.

Mpinji zhimu tweekalanga azeya mukwitiya, dichi twakengokanga mazu a kukolesha neyi cheliliwu Maria kudi kangolu. Kutanga kwa chalumingu chamuchiwana chakuhembela kunakutulomba kwikala antu a kola mukwitiya na kukuhwelela ngovu zha Nzambi. Etu akwa Kristu tukuzungwa nzhita ya Nzambi ilanga Nzambi diyi wukutuzungwayu. Etu twatela hohu kukuhwelela Nzambi na kwila chibalu chetu na ngovu zhetu, ilanga twatela kusha zhezhima mumakasa a Nzambi. Twatela kuhosha neyi Maria netu; %ami nidi wadimu wa Mwanta,+ nikulomba netu %wukwashi wetu wekala mwizhina da Nzambi walengeli iwulu ni iseki (ps 120:2)+. Chalala ni Nzambi wukutuhemba na kutukwasha neyi tukuhwelela mwizhina dindi.

Chainu mpinji tudi nakukala kwakuvulu munu mwitunga da Zambia. Kamu na kamu twatongozhokanga kuleka zhezhima na kudi shakamina hohu. Ilanga neyi tutala chiwahi yukumona Yuma yivulu yayiwahi yinatwinki Nzambi. Tukweti mpata ni seki dadi

ni amavulu, twekala namalola awuseya weneni ni twatela kusakilila na kukuhwelela neyi Maria netu Yuma mu na ngovu zha Nzambi. Kungovu zha Nzambi kwihwaha ni zhazhiha, tukutweshwa kumanisha makabi a kuhutwa, tukutweshwa kumanisha musongwe wa HIV/Aids, ni kushakama mukuwunda ni mukutiashana.

Maria diyi chimweshu na chitalilu chetu mukulondela Yesu. Yena natumweshi ochu twatela kuyilila izu da Nzambi, ochu twatela kovwahila kufukula kwindi ni kusha zhezshima mumakasa indi mulongwe yena diyi watukwashangwe mpinji yezhima. Kapolofwetu Yelemiya hakupolofweta nakuhosha nindi; %nanochu neluki yitongwezhoka yami hadi enu, hiyitongwezhoka yaku handa bayi lukasa wanyi. Yitongwezhoka yami yakuyinka chikuhwelelu ni chihandilu chachiwahi (Jer. 29:11-14).+ Nanochu twayenu tulombi kudi Mwanta Yesu kulonda atwinki kwitiya na kukuhwelela neyi Maria chakuhweleliyi mu ngovu zha Nzambi.

### **KWIHULA KWAKUTONG'OZHOKA NA KUSHILANG'ANA MUYI TENTI**

- Mpinji nyi twekawangwe a zeya hela a kola nankashi mukwitiya kwetu?
- Kukala nyi kwateleli kumwekana kudi Maria ha kwitiya kwikala mama ya mwana ka Nzambi?
- Nzhila nyi Yesu a kutweshwa kusemuka munyichima ni munyikala yetu?

### **CHISELA**

Kwikali muka mama imfwili na nyanindi a yedi ama yala. Chisaka chadinngwe chaheta henohu imfumwindi kanda afwi ilangwe anakali dehi a hutwa bayi kumulongwe wa antangwe zhe yala kukakela maheta wanyi ilangwe mulongwe wa anyanindi alandisha maheta na kukisa madi mu walwa ni mu wuvumbi. Yena imfwili chimukalila nankashi hakukengwe ni kumba kwitiya chindi mulongwe ya makabi a kuhutwa. Hanyuma ya malombelu na kukuhwelela mu ngovu zha Nzambi cha muka mama, anyanandi akalumuka na kuhimpa chihandilu chawu. Dichi kwikala muzangwe lu weneni na kuwunda mu chisaka.

### **MALOMBELU**

- Eyi Mwanta, tunalombi wuttwinki ngovu ya kutweshwa kukuhwelela mudi eyi mulongwe yeyi watwinkanngwe zhazhiwahi zhezshima . tunalombi, tunalembi wututiya.
- Eyi Mwanta, tunalombi bayi tunati kwitiya na chikuhwelelu chetu neyi twikala na kukala hela makabi a kuhutwa muyisaka yetu nehi? . tunalombi, tunalembi wututiya.
- Eyi Mwanta, tunalombi wana wakutweshwa kudizozo na kudikehesha neyi ochu waadikehesheli eyi hakwinza nakushakama hamu nanetu aka nshidi. . tunalombi, tunalembi wututiya.